



Eindtoets Funderend Onderwijs

2016

Papiamentu 2

Groep 8



Prueba di ortografia, parti 2

Den e siguiente trabou, kada tarea ta konsistí di kuater frase.

Kada bes e pregunta ta: Den kua frase e palabra suprayá no ta bon skirbí?

Tarea 1

- A Chines tin kustumber di bùig pa kumindá otro.
- B Mester flush tualèt i laba man ora sali for di baño.
- C Semper wela ta bisti paña püs pa bai entiero.
- D Tin hende ta tira masha porkeria den laman.

Tarea 2

- A Dos mucha a pinta riba muraia di nos skol.
- B E kachó di nos bisiaña a wèrp masha hopi yu.
- C Mi ruman a pèrdè e suich di outo di mi tata.
- D Tin hopi kangreu riba kaminda di Bándabou.

Tarea 3

- A E músiko a duna un bunita presentashon ayera.
- B Nacho a bisti un flanèl strepia pretu ku blanku.
- C Semper mester wak bon i krusa kaya lihe i stret.
- D Yeta ta gusta konta su ñetunan kuenta di spiritu.

Tarea 4

- A Datu ku infrou no tin mester di hopi awa.
- B E studiante ta bai skol tur dia ku konvoj.
- C Fifi ta bende bateriya pa telefòn móbil.
- D Mester pone bon atenshon den tráfiko.

Tarea 5

- A Bo mester kou bon promé ku guli.
- B Morkoi no ta meskos ku turtuga.
- C Na Toko Flamboyan no tin kipashi.
- D Tio Bèn ta shofur di vehíkulo pisá.

Tarea 6

- A Badjaga ta nòmber di un tipo di vruminga.
- B Nos bahia, Santa Ana, ta hopi hundu.
- C Ora nos kachó grunja, warda bo kurpa.
- D Un di e bèrduranan bon pa salú ta spinazi.

Tarea 7

- A E kolonia ku Tanchi a kumpra ta karu.
- B Mi tio grandi tin su mes karpinteria.
- C Sandro a bai optika pa un brel nobo.
- D Tin masha hopi strea na firmamentu.

Tarea 8

- A Den Novèmber tin final di e torneo di vòli.
- B Lakeisha tin un telefòn nobo marka Nokia.
- C Mi wela i tawela ta biba hopi aña na Aruba.
- D Nos ta bai landa na Kenepa tur fin di siman.

Tarea 9

- A Awor aki tin skarsedad di tomati.
- B Gian gusta salada ku oleifi aden.
- C Katuna no ta un material sintétiko.
- D Mia ta djòg tur atardi ku su amiga.

Tarea 10

- A Bula kabuya ta bon pa bo kondishon.
- B Dia Mimi hasi aña, Tata ta hasi alaparia.
- C Mama a kumpra hariña di maishi chikí.
- D Nan ta kobra diesplaka pa kup di eis.

Tarea 11

- A Carlo a yena su saku ku appeldam.
- B Dani ta den un klup di motersaikel.
- C Milou a haña muestra di perfume.
- D New York tin miónes di habitante.

Tarea 12

- A Awe ta e último dia ku por inskribí pa e show.
- B E kabai ta zwai su rabu pa kore ku muskita.
- C Lea mester bebe antibiótika un biaha pa dia.
- D Tania ta toka triangel den nos orkesta di skol.

Tarea 13

- A E minister a hasi un biahe pa Afrika.
- B Elly mester laga kur su outo otro luna.
- C Kada bes e ta kibra su skeiru di kabei.
- D Ken ta e figura prinsipal den e obra?

Tarea 14

- A Djadumingu Tanchi Rosa ta bende sòpi.
- B E karsonian blanku mester laba separá.
- C Mi ta bai kumpra un bola so di eiskrim.
- D Riana ta miembro di biblioteka públiko.

Tarea 15

- A Esun ku traha duru lo haña rekompensá.
- B Nos tin un método pa siña idioma na skol.
- C Ora keda kas, mester traha prueba atrasá.
- D Un programa humorístiko ta pone bo hari.

Tarea 16

- A E flornan a bini den un vas di serámika.
- B Mester kumpra tayó di plestik pa fiesta.
- C Nos mester kuida nos bukinan di skol.
- D Tur djaweps Carl ta pòlish su outo.

Tarea 17

- A Diesdos yu e patu di John a brui?
- B Kua ehersisio mi mester traha?
- C Mi ta deseá bo un feliz siman.
- D Nos ta bebe awa di laman destilá.

Tarea 18

- A Awe nos a haña lès tokante muskulo.
- B E polis di imigrashon a kontrolá pasport.
- C Gan di ku kokolishi ta trese malasùeltu.
- D Pasahero ku ekipahe di man so por pasa.

Tarea 19

- A Awe mester pone kònteiner di shushi afó.
- B Den kamber patras ta yen di potochi.
- C Pa tene un marcha mester pidi pèrmit.
- D Ta Alonso de Ojeda a deskubrí nos isla.

Tarea 20

- A E piskadó a bai tira reda tempran na laman.
- B Mama a lora e karni den foil i pon'é den fòrnu.
- C Nini ta gusta hunga riba wep i skòmel na skol.
- D Tin un nèshi di abeha den e palu di mango.

Prueba di vokabulario, parti 2

Den e siguiente tarea, e pregunta ta:
Kua seri di palabra ta den un sekuensia korekto?
Skohe di suave bai fuerte òf di chikí bai grandi.

Tarea 21

- A kana – keiru – kore
- B keiru – kana – kore
- C kore – kana – keiru
- D kana – kore – keiru

Tarea 22

- A laman – plas di awa – veiver
- B plas di awa – veiver – laman
- C veiver – laman – plas di awa
- D plas di awa – laman – veiver

Den e siguiente tarea, e pregunta ta: Kiko ta e antónimo di ...?
Ta trata akí di e palabra suprayá.

Tarea 23

Kiko ta antónimo di ganadó?

- A bendedó
- B fanátiko
- C hungadó
- D pèrdèdó

Tarea 24

Kiko ta antónimo di ataká?

- A defendé
- B entregá
- C kontestá
- D skonde

Tarea 25

Kiko ta antónimo di bastante?

- A bashí
- B delegá
- C kòrtiku
- D skars

Tarea 26

Kiko ta antónimo di entrada?

- A kaida
- B kambio
- C salida
- D subida

Tarea 27

Kiko ta antónimo di kontaminá?

- A blanku
- B herebé
- C mineral
- D purifiká

Tarea 28

Kiko ta antónimo di stima?

- A nenga
- B odia
- C pusha
- D tèr

Prueba di lesamentu, parti 2

Les a teksto aki bou i kontestá e preguntanan.

Historia di amor di Luna ku Solo

1 Luna ku Solo ta topa otro tur dia, ora ku di dia bira anochi. 'Bon nochi, Solo,' Luna ta
2 bisa, i e ta subi pa iluminá tera. 'Kuida nos hendenan, Luna,' Solo ta kontestá, pa
3 despues e baha i disparsé for di shelu pa e bai drumi. Luna semper a atmirá Solo pa su
4 rayonan fuerte, i Solo semper a gusta Luna su lus suave. Asina nan dos a bin namorá di
5 otro.

6 Un anochi, miéntras e tabata bria, Luna tabata pensa masha riba nan situashon.
7 Mainta, el a tuma un kurashi. Ora ku di dia a habri, i nan mester a kambia di lugá, Luna
8 a yama Solo i bis'é: 'Mi ta atmirá i respetá bo. Mi ta stima bo masha.' Solo a kontestá:
9 'Mi tambe semper a stima bo, Luna. Ki dia nos por ta huntú?' Luna a pensa un ratu i
10 kontestá ku stèm suave: 'Hende no gusta skuridat di anochi, i mucha tin miedu ora ta
11 sukú. Ademas, hende ke mira loke ta pasa rònt di nan. Nos por ta huntú sí, pero nos
12 mester sòru pa nunca hende no ta den skuridat.' Solo a bai di akuerdo, i el a invitá Luna
13 pa bin bria huntú kuné. Asina nan a bria huntú henter dia. I ora ku nochi mester a sera,
14 Solo no a baha. Lamentablemente, e kosnan no a bal manera nan a pensa. Hopi mucha
15 no ker a drumi, pasobra ainda solo tabata kima. Hende grandi tampoko no por drumi,
16 pasobra klaridat di Solo ku Luna pareu tabata stroba nan. Solo di: 'Luna, e hendenan ta
17 kansá, i nan no por drumi, pasobra nos ta stroba nan.' 'Bo tin rason. Laga nos bai pa e
18 hendenan por drumi,' Luna a kontestá. I huntú nan a baha bai asina abou, te ku mundu
19 a keda sukú sukú. Djis algun strea chikitu tabata duna un tiki klaridat anochi.

20 Hende tabata brua anochi ku di dia, i nan tabata sigui drumi. E kosnan a sigui asina pa
21 vários luna. Hende tabata sinti falta di Solo pa duna lus den dia i yuda mata krese. Luna
22 tambe tabata hasi falta, komo ku e tabata bria nèt sufisientemente pa hende sinti nan
23 sigur i protehá. E hendenan a disidí di skirbi diferente karta pa Luna ku Solo, i nan a
24 laga bientu hiba e kartanan. Den e kartanan, nan a bisa kuantu falta nan dos tabata
25 hasi, i kon importante nan ta pa bida riba mundu.

26 Despues di a risibí tur e kartanan, Luna ku Solo a tuma un desishon. Solo a wak Luna
27 ku kara tristu i bisa: 'Luna, mi deseo di mas grandi ta pa mi ta huntú ku bo, pero ...'
28 'Sí, mi sa,' Luna a bisa, 'hende mester di nos lus den dia i anochi. Nos stima otro, pero
29 e kosnan mester bai bèk manera nan tabata.'
30 Mama Tera a regla pa Luna ku Solo kada unu keda na nan mes banda na mundu. Ora
31 ku Mama Tera drai, hende por a haña su tempu di Solo i su tempu di Luna. Luna ku
32 Solo a keda stima otro djaleu, pasobra nan no a topa otro nunca mas. Amor pa sirbi
33 hende ta muchu mas grandi ku e amor ku nan ta sinti pa otro.



Tarea 29

Lesá: 'Luna ku ... situashon.' (liña 1 te ku 6)

Riba kua situashon Luna tabata pensa? riba nan ...

- A bahada i subida
- B enkuentro tur dia
- C sintimentu pa otro
- D trabou di duna lus

Tarea 30

Lesá: 'Luna ku ... otro.' (liña 1 te ku 5)

Kua di e ponensianan ta korekto?

- I Solo semper a atmirá luna pa su rayonan fuerte.
- II Luna ta bisa Solo pa e sòru bon pa nan hendenan.

- A Ponensia I so ta korekto.
- B Ponensia II so ta korekto.
- C Ponensia I i II ta korekto.
- D Ponensia I i II ta inkorekto.

Tarea 31

Lesá: 'Un anochi ... masha.' (liña 6 te ku 8)

Na ken/kiko e den bis'é na liña 8 ta referí? na ...

- A anochi
- B Luna
- C mainta
- D Solo

Tarea 32

Lesá: 'Un anochi ... skuridat.' (liña 6 te ku 12)

Kua di e ponensianan ta korekto?

- I Luna a bisa ku hende mester di lus.
- II Luna ta tuma un kurashi pa deklará su amor na Solo.

- A Ponensia I so ta korekto.
- B Ponensia II so ta korekto.
- C Ponensia I i II ta korekto.
- D Ponensia I i II ta inkorekto.

Tarea 33

Lesá: 'Ora ku ... kuné .' (liña 7 te ku 13)

Dikon Luna ku Solo a kuminsá bria pareu riba mundu? pasobra ...

- A hende por mira mihó rònt di nan
- B mucha ta spanta den skuridat
- C nan tabata ke ta huntu ku otro
- D tin mester di lus na mundu

Tarea 34

Den kua di e liñanan por lesa ku e amor di Luna ku Solo pa hende tabata mas grandi ku e amor di nan dos?

- A liña 13-14: 'Asina nan ... pensa.'
- B liña 14-16: 'Hopi mucha ... nan.'
- C liña 21: 'Hende tabata ... krese.'
- D liña 28-29: 'Sí, mi sa ... tabata.'

Tarea 35

Kiko ta meta di e teksto akí?

- A duna instrukshon
- B entretené
- C hasi propaganda
- D informá

E teksto akí tin lugá habrí pa yena kontesta. Lesa e teksto completo promé. Despues skohe i yena e kontesta ku ta kuadra mihó na e lugá habrí.

Olefante sa kòmbersá

Den un santuario na Merka, ta biba seis olefante: Shirley, Bunny, Jenny, Sissy, Tarra i Winkie. Tur seis tabata será un tempu den un parke di bestia òf tabata traha den sirko. Awendia, nan ta kana keiru i buska nan kuminda riba un tereno ku yerba òf den mondi. Un santuario ta un lugá den naturalesa, kaminda sierto animal salbahe ta biba liber i protehá for di hende ku ke 1. Mester protehá e olefantenan salbahe, pasobra a sobra masha tiki di nan. Na Asia i Afrika, hende ta mata nan pa haña nan djente, ku ta kosta hopi sèn. Tambe, nan a kita e olefantenan su lugá di biba pa konstruí kas. Awendia ta mitar di e kantidat di olefante ku tabatin ántes so ta na bida ainda.

Hende ku ta studia animal ke haña sa kon olefante ta komuniká ku otro. Ora Shirley habri su boka i hasi un zonido den su garganta, e olefantenan banda di dje ta reakshoná. Pa nos e ta djis un zonido. Pero e olefantenan 2. Kiko eksaktamente Shirley a bisa, nos no sa. Pero ta interesante pa studia esei. No ta tur olefante ta hasi e zonido ku Shirley ta hasi. Tarra ta imitá zonido di un leon di laman ora e ta kontentu. Bunny ta pip. Kada animal ta laga su bos zona. Ora un di e gigantenan shinishi aserká e mener ku ta studia nan, e mener ta puntra: 'Ta kua awor?' Ora ku e olefante hasi un zonido, batiendo su slùrf na suela, e mener ta bisa: 'Ahá, ta Sissy, imitando e zonido di batimentu di man.' Tambe e olefantenan ei ta grita, ronka manera bos i hasi zonido di tròmpe. Olefante por 3 na un manera ku nan so por. E ta hasi un zonido den un tono asina abou ku hende su orea no ta tende. Ta parse ku e zonido akí por yega míles di kilometer leu. Ku e zonido akí, olefante ta komuniká ku otro ora un pèrdè kontakto ku su grupo. Meskos ku hende, olefante tambe tin gana di komuniká ku otro. Tin biaha nan ta grita di emoshon, manera a pasa dia Shirley a yega den e santuario. El a gruñá manera un leon ora el a mira Jenny. Jenny a drei wak e, i el a kontestá ku e mes zonido. E zonido ei ke men ku nan a 4 otro, pasobra binti aña pasá, nan a topa otro den un sirko. Ta parse ku nan tabatin basta kos di konta otro.

Tarea 36

Kua grupo di palabra ta kuadra mihó na number 1?

- A** atmirá nan
- B** duna nan kuminda
- C** hasi nan daño
- D** imitá nan



Tarea 37

Kua grupo di palabra ta kuadra mihó na number 2?

- A ta biba ku otro
- B ta buska otro
- C sí ta kontentu ku otro
- D sí ta komprondé otro

Tarea 38

Kua grupo di palabra ta kuadra mihó na number 3?

- A balorá otro
- B bebe un bibida
- C kome kuminda
- D komuniká ku otro

Tarea 39

Kua palabra ta kuadra mihó na number 4?

- A rechasá
- B rekonosé
- C stima
- D studia

Les a e teksto aki bou i kontestá e preguntanan.

E palu enkantá

1 Hopi tempu pasá tabatin shete ruman muhé, ku tabata biba riba un isla. E ruman
2 mayó tabata manda i dirigí tur kos na kas. E rumannan chikí no por a hasi nada otro
3 ku no ta obedesé. Flora, e ruman mas yòn, su tarea tabata di bai tur dia den mondi
4 pa buska palu pa sende kandela pa kushiná.

5 Na rant di e mondi, tabatin un kueba bou di baranka. Un riu chikitu tabata basha for
6 di e baranka i forma un pisina natural den e kueba. Ei, Flora tabata sinta sosegá i
7 kue poko fresku tur dia despues di piki palu den mondi. E tabata drumi na rant di e
8 pisina i soña di un bida dushi i bunita.

9 Un dia el a mira un piská chikitu ta landa den e pisina. Su skamanan tabata koló di
10 regenbog. Flora a disidí di kria e piská. Asina, e no tabata sintié so mas. Tur dia e
11 tabata keda sin desayuná pa e hiba kuminda pa su amiguitu nobo. Komo ku e no
12 tabata kome suficiente, Flora a kuminsá bira flaku. E ruman mayó tambe a ripará
13 esei, i el a kuminsá sospechá algu. E siguiente dia, e ruman a bai su tras pa wak
14 kiko tabata pasando. El a mira Flora duna e piská kuminda. Ora Flora a bai piki palu
15 den mondi, e ruman a fangu e piská i bai kas kuné. El a hasa e piská pa nan kome, i
16 e wesunan el a skonde tras di stof, lorá den un paña.

17 Su manisé, Flora a bai hiba kuminda pa e piská, pero e no por a hañ'é ningun
18 kaminda. Su piská a muri? Ku awa na wowo, el a kore bai kas, benta su kurpa riba
19 kama i pega soño yorando. Manera solo a sali, un gai a para den Flora su bentana i
20 grita: 'Kokoyokoooo, e wesunan di bo piská ta tras di stof.' Mesora Flora a kore bai
21 den kushina, saka e wesunan i pone nan den un kahita. El a dera nan den un buraku
22 banda di e kueba. Flora a sinta yora i roga: 'Regenbog, tende mi súprika i kumpli ku
23 mi deseo. Pa mi por stòp di sinti mi malu, laga e piská akí bira un palu.' Manera el a
24 kaba di papia, un palu grandi a aparesé den su banda. Un palu enkantá ku tronkon
25 di kristal i blachi di plata ku rant di pèrla. Su flornan tabata di oro i su frutanan di
26 piedra presioso koló di regenbog. Aki a bira Flora su lugá nobo pa sosegá.

27 Algun luna despues, riba un dia ku bientu tabata supla duru, un blachi a bula bai i
28 yega na un isla eibanda. El a kai nèt dilanti di pia di un rei. Mesora, el a reuní un
29 grupo di ayudante, i nan a nabegá den e direkshon ku bientu tabata supla. Asina,
30 nan a yega na Flora su isla. Nan a buska promé den mondi, pasobra ei mayoría di
31 palu ta krese. No a tarda masha ku nan a haña e palu kaminda nan a topa ku Flora
32 tambe. E rei a rèk pa purba ranka un blachi, pero e palu no ker a laga e blachi lòs.
33 El a bira bisa Flora: 'Dama bunita, si bo por kita un blachi òf flor for di e palu akí, bo
34 ta bira mi reina.' Flora a rèk i ranka un flor for di e palu sin ningun problema. Rei a
35 span wowo i keda boka habrí.

36 Su siguiente dia, Flora i e rei a kasa bou di e ramanan di e palu enkantá. Nan a biba
37 felis pa semper.

Tarea 40

Lesá: 'Flora, e ... *mondi*'. (líña 3 te ku 7)

Na kiko 'Ei' den líña 6 ta referí? na ...

- A baranka di e kueba
- B kushina di e kas
- C pisina natural
- D riu chikitu

Tarea 41

Lesá: 'Un dia ... *pañá*'. (líña 9 te ku 16)

Pakiko Flora a disidí di kria e piská? Pa e ...

- A gosa di su kompania.
- B kome ménos i baha peso.
- C mat'é i dera su wesunan.
- D ruman grandi kom'é.

Tarea 42

Lesá: 'Su *manisé ... kahita*'. (líña 17 te ku 21)

Kua di e ponensianan akí ta korekto?

- I Ora Flora a bai buska e piská, el a hañ'é ta yora.
- II Un gai a bisa Flora unda e wesunan di e piská tabata.

- A Ponensia I so ta korekto.
- B Ponensia II so ta korekto.
- C Ponensia I i II ta korekto.
- D Ponensia I i II ta inkorekto.

Tarea 43

Lesá: 'Mesora Flora ... *sosegá*'. (líña 20 te ku 26)

Unda a bira Flora su lugá nobo pa sosegá?

- A banda di e kahita
- B banda di e kueba
- C bou di e palu enkantá
- D bou di un regenbog

Tarea 44

Lesá: 'Algun luna ... isla.' (líña 27 te ku 30)

Kon e rei a haña sa di e palu?

- A Bientu a hiba e palu te serka dje.
- B Ora e tabata nabegá, el a mir'é.
- C Su ayudantenan a bin kont'é.
- D Un blachi a bula bai te na su isla.

Tarea 45

Lesá: 'No a ... *semper*.' (líña 31 te ku 37)

Kiko e rei a primintí Flora? ku ...

- A e lo bira su reina
- B e ta regal'é un flor
- C nan lo kasa mañan
- D nan lo biba felis